

2019-imut aningaasanut inatsisissatut siunnersuut

pillugu

Aningaasaqarnermut Akileraartarnermullu Ataatsimiititaliap

inatsisissatut siunnersuutip aappassaaneerneqarneranut

ISUMALIUTISSIISUTAA

Aningaasaqarnermut Akileraartarnermullu Ataatsimiititaliap suliarinninnermini kingullermik ilaasortarai:

Inatsisartunut ilaasortaq, Karl Kristian Kruse, Siumut, siulittaasoq
Inatsisartunut ilaasortaq Aqqaluaq B. Egede, Inuit Ataqatigiit, siulittaasup tullia
Inatsisartunut ilaasortaq, Niels Thomsen, Demokratit
Inatsisartunut ilaasortaq, Jess Svane, Siumut
Inatsisartunut ilaasortaq Múte Bourup Egede, Inuit Ataqatigiit
Inatsisartunut ilaasortaq Mala Høy Kúko, Siumut
Inatsisartunut ilaasortaq Jens Napaattooq, Partii Naleraq

Ulloq 4. oktober 2018-imi siullermeerinninnerup kingorna ataatsimiititaliap siunnersuut misissorpaa.

Imarisai:

1. Aallaqqaasiut	3
1.1 Aningaasanut inatsisissatut siunnersuutip ilusiligaanera aningaasaliisarnermilu maleruagassat	3
1.2 Ataatsimoortumik tullerriaarisarnissamik tunngavik	3
1.3 Naalakkersuisut iluarsartuusseqqinnerit suliniutillu pingaartitaat	4
2. Naalakkersuisut allannguutissatut siunnersuutaat	4
2.1 Aningaasaqarnermut Ataatsimiititaliap ataatsimut isigalugu isummernera	5
3. Aningaasaqarnermut Ataatsimiititaliap apeqqutai/oqaaseqaatai aalajangersimasut suliassaqarfinnut agguataarlugit	– 5
4. Aningaasaliissutitut allannguutissatut siunnersuutit	5
4.1. Sammisag 1 – Teknikikkut allannguutit	6
4.2. Sammisag 2 – Missingersuutitut sunniuteqanngitsumik allannguutit	6
4.3. Sammisag 3 – Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat	7
4.4. Sammisag 4 – Aningaasartuutaanerusut	8
4.5. Sammisag 5 – Oqartussaaffinnik allannguineq	8
5. Oqaasertaliussanut allannguutissatut siunnersuutit	9
5.1 Naalakkersuisut oqaasertaliussanut allannguutissatut siunnersuutaat	9
6. Aningaasaqarnermut Ataatsimiititaliap inassuteqaatai	11

Ilanngussanut takussutissiaq:

- A. Aningaasaqarnermut Ataatsimiititaliap 19. oktober 2018-imi Naalakkersuisunut apeqqutai.
- B. Aningaasaqarnermut Ataatsimiititaliap apeqqutaanut Naalakkersuisut 9. november 2018-imi akissutaat, tak. ilanngussaag A.
- C. Naalakkersuisut aningaasaliissutitut allannguutissatut siunnersuutaat 7. november 2018-imeersut. (Allannguutissatut siunnersuutit nr. 1-66).
- D. Naalakkersuisut oqaasertaliussanut allannguutissatut siunnersuutaat 7. november 2018-imeersut. (Allannguutissatut siunnersuutit nr. 67-84).

1. Aallaqqaasiut

2019-imi aningaasanut inatsisissatut siunnersuut Inatsisartunit ulloq 4. oktober 2018-imi siullermeerneqarpoq. Inatsisartut Naalakkersuisullu pillugit inatsimmi § 16, imm. 1 naapertorlugu aningaasanut inatsisissatut siunnersuutip siullermeerneqarnerata aappassaaneerneqarneratalu akornanni Aningaasaqarnermut Akileraartarnermullu Ataatsimiititaliaq aningaasanut inatsisissatut siunnersuut pillugu Inatsisartunut isumaliutissiissuteqassaaq.

Aningaasanut inatsisissatut siunnersuut Nuummi 20.-24. august 2018-imi missingersuutit pillugit isumasioqatigiinnermi ataatsimiititaliamit misissorneqarpoq. Aningaasanut inatsisissatut siunnersuummik misissuinini suliarinninninilu tunngavigalugit apeqqutini oqaaseqaatinilu Naalakkersuisunut ulloq 19. oktober 2018-imi allagaqarnermigut ataatsimiititaliap nassiuppai. Ilanngussaq A innersuussutigineqarpoq. Ataatsimiititaliap apeqqutaanut Naalakkersuisut **xx**. novembarimi akissutaat pillugit ilanngussaq B innersuussutigineqarpoq.

Aningaasanut inatsisissatut siunnersuummik Inatsisartut siullermeerinninnerat tunngavigalugu Naalakkersuisut ulloq 7. november 2018-imi allannguutissatut siunnersuutit 84-it Aningaasaqarnermut Ataatsimiititaliamut nassiuppaat. *Aningaasaliissutinut* taamatullu *oqaasertaliussanut* allannguutissatut siunnersuuteqartoqarpoq. Allannguutissatut siunnersuutit isumaliutissiissummut ilanngussaq C-tut aamma D-tut ilanngunneqarput.

Inatsisartut aningaasanut inatsisissatut siunnersuummik aappassaaneerinninnissaanut ataatsimiititaliaq matumuuna isumaliutissiissuteqarpoq.

1.1 Aningaasanut inatsisissatut siunnersuutip ilusiligaanera aningaasaliisarnermilu male-ruagassat

Aningaasanut inatsisissatut siunnersuutip ilusiligaanera missingersuutit pillugit inatsimmi nutaami kapitali 4-mi pingaarnertigut aalajangersarneqarpoq. Naalakkersuisut aningaasanut inatsisissatut siunnersuutip suliarineqarnissaanut aaqqissuunneqarnissaanullu malittarisassaliorsinnaasut § 13, imm. 1-imi allassimavoq. Malitsigisatut nalunaarutininik attuumassutilinnik, inatsisip piviusunngortinneqarnissaanut aqutsivigineqarnissaanullu pingaaruteqartunik, suliaqarnertik Naalakkersuisut aallartissimagaat AIS 2018-imut nalinginnaasumik nassuiaatinik misissuinermini ataatsimiititaliap maluginiarpaat. Suliali tamatuma qaqugu naammassineqartussatut naatsorsuutigineqarnera ilisimaneqanngilaq. Tamatumali peqatigisaanik ataatsimiititaliamit oqaatigineqassaaq inatsimmi nutaami kapitali 4-p inatsisaasimasumi aalajangersakkat annertunerpaatigut assigigai. Inatsimmi nutaami kapitali 3-mi aningaasaliisarnermi tunngaviit pillugit aalajangersakkat inatsisaasimasumi aalajangersakkat aamma assigaat.

1.2 Ataatsimoortumik tulleriiarisarnissamik tunngavik

Ataatsimoortumik pingaarnersiulluni tulleriiarisarnermik periuseqarneq aningaasaqarnitta pilersaarusiorneqarnerani pingaarnertut tunngaviuvoq. Aningaasaqarnerup naalakkersuinikkut suliaqartunit paasineqarsinnaanissaata anguniarneqarnissaa aallaavigalugu aammalu siamasissumik tulleriiarinissap qulakkeerneqarnissaa periarfissaqaqqullugu tunngavik tamanna qitiulluinnarpoq. Aningaasaqarnitta pilersaarusiornera paasilertoruminartumik ingerlallugulu inuiaqatigiit aningaasatigut pisinnaasaanut naleqqussakkamik aningaasartuutigut aqutsivigisinnaassagutsigit periuseq taanna aalajangiusimasariaqarparput. Aningaasanut inatsit Inatsisartunit, aningaasaliisarnermut oqartussaasuusunit aammalu aningaasaliissutit atornerqarnerannik nakkutilliisuusunit, akuersissutigineqartarpoq. Ukiumoortumik

pingaarnersiuilluni tullerriaarineq kingusinnerusukkut ilassutitut aningaasaliissuteqarnikkut aalajangiisuusumik allanngortinneqaqqusaanngilaq. Siumoortumik aningaasaliissuteqartoqarsimatinnagu aningaasaliissuteqartoqarsinnaanngilaq. Taamaattumillu iliuousissaq aningaasanut inatsimmi inatsisiniluunniit allani tunngavissinneqarsimatinnagu iliuousissap piviusunngortinneqarnissaa sioqqullugu aningaasaliissutitigut tunngavissaq pissarsiarineqaqqaassaaq.

1.3 Naalakkersuisut iluarsartuusseqqinnerit suliniutillu pingaartitaat

Aningaasanut inatsisissatut siunnersuummut nalinginnaasumik nassuiaatini immikkoortoq 4-mi iluarsartuusseqqinnerit suliniutillu Naalakkersuisunit pingaartinneqartut arlallit Naalakkersuisunit nalunaarsorneqarput.

Aningaasaqarnikkut attanneqarsinnaasumik siunissami ineriartortitsinissaq aalajangiisuusumik pingaaruteqartoq Aningaasaqarnermut Akileraartarnermullu Ataatsimiititaliaq isumaqarpoq. Aningaasaqarnikkut anguniakkat attanneqarsinnaanngippata aningaasaqarnikkut isertitat malillugit pisortat atugarissaarnissamut tunniuttagaat qaffakkiartorsinnaanngillat. Attassisinnaanermut siuariartortitsinissamullu pilersaarummi anguniakkat siunertallu amerlasuut qitiutillugit aningaasanut inatsimmik suliaqarneq naleqqussarneqassappat aningaasaqarnikkut anguniakkat pillugit naalakkersuinikkut ukiumoortumik isumaqatigiinniarnert aalajangiisuullutillu qitiussasut ataatsimiititaliaq isumaqarpoq. Attassisinnaanermut siuariartortitsinissamullu pilersaarummik malitseqartitsinerup annertunerusumillu erseqqissaanerup qitiutillugit qanoq salliutinneqalersaarnerannik Naalakkersuisut erseqqinnerusumik oqariartuutissaat ataatsimiititaliamit tusarusunneqarput.

2. Naalakkersuisut allannguutissatut siunnersuutaat

Naalakkersuisut allannguutissatut siunnersuutaannut Aningaasaqarnermut Ataatsimiititaliap inasuteqaatai isumaliutissiisummi matumani immikkoortuni 4-6-imi takuneqarsinnaapput.

Aningaasanut inatsisissatut siunnersuut una akuerineqassappat 2019-imi IST-mi 24,5 mio. kr.-inik sinneqartooruteqarnissaq missingersuutigineqarpoq. Ingerlatsineq Sanaartornerlu (IS) immikkut isigigaanni 2019-imi 19,6 mio. kr.-inik sinneqartooruteqartoqassaaq. AIS 2019-imi piffissamut 2019-2022-mi IS-imi ataatsimoortumik 17,7 mio. kr.-inik sinneqartooruteqartoqassaaq aammalu piffissami tassani IST-mi ataatsimoortumik 52,3 mio. kr.-inik sinneqartooruteqartoqassalluni. Ukiuni kingullerni kiisalu ukiuni 2019-2022-mi aningaasanut inatsiseqarfiusuni IST-mi aammalu IS-imi angusat takussutissiami matuma kingulianiittumi takuneqarsinnaapput.

Aningaasat mio. kr.-inngorlugit.	2019	2020	2021	2022
AIS2019-imi IST-p inernera	-24,5	-0,8	-28,2	1,2
AIS2019-imi IS-ip inernera	-19,6	8,7	-18,0	11,2
Aappassaaneerinninnissamut allannguutissatut siunnersuutit:				
IST-p inerneranut sunniutissat	17,3	10,6	-1,6	-2,9
IS-p inerneranut sunniutissat	17,3	10,6	-1,6	-2,9
Aappassaaneerinninnissamut IST-p inernera	-7,2	9,8	-29,7	-1,7

Aappassaaneerinninnissamut IS-p inernera	-2,3	19,3	-19,5	8,3
---	-------------	-------------	--------------	------------

Tamatuma kingorna allannguutissatut siunnersuutit saqqummiunneqarnermittut akuerineqassap-pata 2019-imut aningaasanut inatsisip inernera tassaassaaq **IST-mi 7,2 mio. kr.-inik sinneqartooruteqarneq aammalu IS-imi 2,3 mio. kr.-inik sinneqartooruteqarneq**. Piffissaq aningaasanut inatsiseqarfiusoq 2019-2022 tamaat isigissagaanni IS-imi amigartoorutit tamar-miusut 5,8 mio. kr.-iussapput.

Naalakkersuisunit erseqqinnerusumik aalajangiunneqartut apeqqutaatillugit pingajussaaneerin-ninnissamut allannguutissatut siunnersuutit inernerusussanut taakkununnga allanngortitsissasut Naalakkersuisut paasissutissiissutigaat. Tassunga atatillugu isertitat aningaasartuutillu akornanni oqimaaqatigiittoqarnissaanik tunngavik Naalakkersuisunit aalajangiusimaneqassasoq ataatsimiititaliamit naatsorsuutigineqarpoq, taamatullu pingajussaaneerinissamut allannguutissatut siunnersuusionermi naammassineqarnissaa qularnaaqullugu.

2.1 Aningaasaqarnermut Ataatsimiititaliap ataatsimut isigalugu isummernera

Naalakkersuisut aappassaaneerinninnissamut allannguutissatut siunnersuutaasa amerlanerpaar-taasa akuersissutigineqarnissaat Aningaasaqarnermut Ataatsimiititaliamit inassutigineqarpoq. Siunnersuutip pingajussaaneerneqarnissaanut allannguutissatut siunnersuutitik allanik saqqum-miussinissaq Naalakkersuisut naatsorsuutigaat.

3. Aningaasaqarnermut Ataatsimiititaliap apeqqutai/oqaaseqaatai aalajangersimasut – suliassaqarfinnut agguataarlugit

Isumaliutissiissummi ilanngussat A aamma B ataatsimiititaliap Naalakkersuisunut aallarniu-tigalugu apeqqutaanik Naalakkersuisullu akissutaannik imaqartut, aallarniutigalugit innersuus-sutigineqassapput.

Aallarniutitut Naalakkersuisunut apeqqutini Naalakkersuisullu akissutaat Aningaasaqarnermut Ataatsimiititaliap Inatsisartut ataatsimiititaliaannut ilisimatitsissutigai.

4. Aningaasaliissutitut allannguutissatut siunnersuutit

Immikkoortoq 1-imi taaneqartutut aningaasanut inatsisissatut siunnersuummut allannguutissatut siunnersuutitik 84-inik Naalakkersuisut saqqummiussipput. Taakkunangga 66-it aningaasaliis-sutitut allannguutissatut siunnersuutaapput 18-illu oqaasertaliussanut allannguutissatut siunnersuutaallutik. Oqaasertaliussanut allannguutissatut siunnersuutit isumaliutissiissutit immikkoor-tuini 4-mi 5-imilu sammeneqarput.

Aningaasaliissutitut allannguutissatut siunnersuutit sammisanut ukununnga immikkoortinne-qarsimapput:

- sammisaq 1 Teknikikkut allannguutit
- sammisaq 2 Missingersuutitut sunniuteqanngitsumik allannguutit
- sammisaq 3 Isertitassatut missingiutit nutaat kiisalu inatsisit naapertorlugit aningaasa-liissutissanut missingiutit nutaat
- sammisaq 4 Aningaasartuutaanerusut
- sammisaq 5 Oqartussaaffinnik allannguineq

Aningaasaliissutitut allannguutissatut siunnersuutit nr. 1-imit nr. 66-imut *normulersugaapput*.

Aningaasaliissutit pineqartillugit allannguutissatut siunnersuutit ataasiakkaat normui *aningaasaliissutininut takussutissiami* allassimapput; *ilanngussaq 1*. Aningaasaliissutininut takussutissiat

Naalackersuisut aningaasaliissutininut allannguutissatut siunnersuutaannut saarlinggorlugit ilanngunneqarput, taakkulu isumaliutissiisummut ilanngussaq C-tut ilanngunneqarlutik.

Oqaasertaliussanut allannguutissatut siunnersuutit 21-upput. Taakku nr. 67-imit nr. 84-imit *normulersugaapput*. Oqaasertaliussanut tunngatillugu normuliunneqartoq oqaasertaliussat siornagut allanneqarpoq. Oqaasertaliussat *ilanngussaq 2*-mik taaguuserneqarput. Taakku isumaliutissiisummut ilanngussaq D-p ataani ilanngunneqarput.

4.1. Sammisag 1 – Teknikikkut allannguutit

Qulequttami tassani allannguutissatut siunnersuutininik 18-inik Naalackersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammisag missingersuutininut ilanngussani oqaasertanik suliassamilu kisitsisinut takussutissianik il.il. nutarterinermut tunngassuteqarpoq. Allannguutissatut siunnersuutininik aningaasaliissutininik allannguisunik sammisami saqqummiussisoqanngilaq. Sammisami allannguutissatut siunnersuutininik aningaasaliissutininik allannguisunik saqqummiussisoqassanngilaq. Konto pingaarnermut 20.05.20-mut, Kommuninut ataatsimoortumik tapiissutininut tunngasumi, 2019-mut kommuninik ataatsimoortumik tapiissutit pillugit isumaqatigiissutit tunuliaqutaralugit allannguutissatut siunnersuummik saqqummiussisoqassaaq. AIS2019-mi aningaasaliissutit tunuliaqutaralugit isumaqatigiissuteqartoqarpoq. Isumaqatigiissut Aningaasaqarnermut Naalackersuisumit borgmesterinillu tallimanit atsiorneqassaaq.

Konto pingaarnermut 84.40.15-imit, Ilinniartut ineqarfiinik sanaartornermut tunngasumut, Qaqortumi, Nuummi, Sisimiuni, Aasianni Iluissanilu ilinniartut inaannik sanaartornissamut pilersaarusiornermut 35,8 mio. kr-it atugassanngortinneqarnissaat qinnutigineqarpoq. Illoqarfinni tallimani taakkunani sanaartugassat ilinniartut ineqarfiinik katillugit 464-inik inissalinnik pilersaarusiorneq imaraat.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammisag 1-ip ataani allannguutissatut siunnersuutit nr. 1-imit 18-imit **akuerineqassasut** Aningaasaqarnermut Ataatsimiititaliamit **inassutigineqarpoq**.

4.2. Sammisag 2 – Missingersuutininut sunniuteqanngitsumik allannguutit

Qulequttami tassani allannguutissatut siunnersuutininik 15-inik Naalackersuisut saqqummiussipput. Allannguutissatut siunnersuutit taakku ukiumi aningaasanut

inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Sammissami immikkoortuni arlalinni missingersuutitut sunniuteqanngitsumik allannguinnissat qinnutigineqarput. Sammissami konto pingaarnermi 20.11.58-imi, akissarsiat pillugit isumaqatigiissutitut sillimmatitut tunngasumi, AIS2019-mi 12,85 mio. kr-it atugassanngortinneqarnissaannik allannguutissatut siunnersuut annertunersaavoq. Aningaasat peqqinnissaqarfimmi suliasaqarfik 34-p ataanut ilanngunneqarnissaat qinnutigineqarpoq, tamannalu PPK-p ataani peqqinnissaqarfimmi sulisut nutaamik isumaqatigiissutaat aqutigalugu aningaasarsianut aningaasartuutit amerleriarnersa kinguneraat.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 2-p ataani allannguutissatut siunnersuutit nr. 19-mit 33-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

4.3. Sammissaq 3 – Isertitassatut missingiutit nutaat kiisalu inatsisit naapertorlugit aningaasaliissutissanut missingiutit nutaat

Qulequttami tassani allannguutissatut siunnersuutinik 3-nik Naalakkersuisut saqqummiussipput. Allannguutissatut siunnersuutit taakku 2019-imi IST-p inerneranut 15,3 mio. kr.-inik ajorseriaataassapput aammalu 2020-imi 0,4 mio. kr.-inik, 2021-imi 1,6 mio. kr.-inik aammalu 2022-mi 2,9 mio. kr.-inik IST-p inerneranut pitsanngoriaataassallutik.

Konto pingaarnermi 20.05.44-mi, EU-mik suleqatigiinnissamik isumaqatigissummit isertitanut tunngasumi, 2019-mi isertitassatut missingiutit 15,6 mio. kr.-inik appartinneqarnissaat qinnutigineqarpoq. Appartitsineq EU-p suliniutitut missingersuummit pioreersumit piffissami 2021-2027 isumaqatigiissutaajumaartussamik piareersaasiornermut atatillugu aningaasanik illikartitsisimanerata malitsigaa. AIS2019-mut saqqummiussissummi isertitassatut missingiutit appartinneqarnera pillugu ilisimatitsisoqarpoq. Konto pingaarnermut 30.12.08-mut, utoqqalinermi pensionisiantut tunngasumi, kiisalu 30.12.09-mut, Siusinaartumik pensionisiantut tunngasumi, pineqartuni ineriartornerup kingulliup malitsigisaanik aningaasartuutitut missingiutit annikinnersumik allanngortinneqarnissaannik qinnuteqartoqarpoq, tamannalu tunuliaqutaralugu AI2019-mi aningaasaliissutitut taakkununga nutaanik oqaasertaliinissaq, tulliuttuni sammissami oqaasertaliussani nassuarneqartumi, qinnutigineqarpoq.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 3-p ataani allannguutissatut siunnersuutit nr. 34-mit 66-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

4.4. Sammisag 4 – Aningaasartuutaanerusut

Qulequttami tassani allannguutissatut siunnersuutit 2-nik Naalakkersuisut saqqummiussipput. Allannguutissatut siunnersuutit taakku IST-p inerneranut 2019-imi 2 mio. kr.-inik aammalu 2020-mi 11 mio. kr.-inik ajorseriaataassapput ukiunilu missingersuusiorfiusuni missingersuutit sunniuteqassanatik.

Sammissami 2019-mi konto pingaarnermi 20.11.70-imi, suliniutit nutaanut sillimmatit tunngasumi, 2 mio. kr.-inik immikkoortitsisoqarnissaa qinnutigineqarpoq. Aningaasat satteliti atorlugu Kalaallit Nunaata nunataata qatsissusaanik assiliornermik suliaqarnissamut atorineqassapput. Misiliutit suliniutip 'Ny landkortlægning i Grønland 2014-2017' nassatarisaanik suliniummik nutaamik Kalaallit Nunaatalu sikumik qallersimaneqanngitsup tamakkerlugu nunap assiliorfigineqarnissaa aallartinneqarpoq. Suliniut 60 mio. kr.-it angullugit aningaasartuuteqarfiussaaq Styrelsen for Dataforsyning og Effektiviseringilu, Illersornissaqarfik A.P. Møller og Hustru Chastine Mc-Kinney Møllers Fond til almene Formaalimik taperneqarlutik aningaasalersuisuussapput. Suliniut 2021-p tungaanut ingerlanneqassaaq. Suliniutip pingaarnerp inglerlaqqinnissaani Kalaallit Nunaata nammineerluni 2 mio. kr.-inik aningaasaliinissaa tunngavissaatinneqarpoq. Aningaasat soqutigisaqartunik suliniummullu aqutsisunik il.il. akuutitsinissamik qulakkeerinninnissamut atorineqassapput.

Tamatuma saniatigut konto pingaarnermut 87.73.12-imut, Umiarsualivinnut talittarfinnullu aningaasaliissutit tunngasumut, aningaasaliissutit 2020-mi 11,0 mio. kr.-inik amerlineqarnissaat qinnutigineqarpoq. 2019-mi Ummannami umiarsualivimmi atorineqassanatik sanaartornissamut suliariumannittussarsiuussisoqarsinnaasoq naatsorsuutigineqarpoq. 2020-mi nutaanik sanaartornissamut aningaasaliissutit qaffaaner tassunga attuumassuteqarpoq, marloqiusamillu aningaasaleeriaatsimik, aallaqqaammut pilersaarusiornermut aningaasaliinermik, kingornalu suliariumannittussarsiuussereernikkut suliniummik aningaasaliissutissanik pisariaqartunik atugassanngortitsisarnermik periuseqarnerup malitsigaa. Allannguutissatut siunnersuummi aamma tassani konto pingaarnerp iluani 2 mio. kr.-inik nuussisoqarnissaa qinnutigineqarpoq, tassanilu Kangerlussuarmi umiarsualiviup pilersaarusiornerrata inaarsarnissaanut aningaasanik allanik pisariaqartunik immikkoortitsinissaq siunertaavoq.

Allannguutissatut siunnersuutit ataasiakkaanut Aningaasaqarnermut Ataatsimiititaliaq ilassutit oqaaseqaatissaqanngilaq.

Sammisag 4-p ataani allannguutissatut siunnersuutit nr. 37-mit 38-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

4.5. Sammisag 5 – Oqartussaaffinnik allanngineq

Qulequttami tassani allannguutissatut siunnersuutit 28-nik Naalakkersuisut saqqummiussipput. Allannguutissatut siunnersuutit taakku ukiumi aningaasanut inatsiseqarfiusumi ukiunilu missingersuusiorfiusuni ataatsimut isigalugu IST-mut sunniuteqassanngillat.

Naalakkersuisooqatigiit nutaat pilersinneqarneranni oqartussaaffinnik allanngineq tunuliaqutarlugu missingersuutit sunniuteqanngitsunik allannguutissatut siunnersuutit arlalinnik saqqummiussisoqarpoq. Nunamut namminermut tunngasunut, nuna tamakkerlugu pilersaarusiornermut, namminersornermut ilisimatusarnermullu oqartussaaffeqarfinnut aningaasaliissutit

nuussinermut tamanna attuumassuteqarpoq. Naalakkersuisut siusinnerusukkut saqqummiussisummik allannguutininik taakkunannga 2018-mi atulersitsisunik suliaqarput.

Allannguutissatut siunnersuutininut ataasiakkaanut Aningaasaqarnermut Ataatsimiititaliaq ilassutitut oqaaseqaatissaqanngilaq.

Sammissaq 5-ip ataani allannguutissatut siunnersuutit nr. 39-mit 66-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

5. Oqaasertaliussanut allannguutissatut siunnersuutit

5.1 Naalakkersuisut oqaasertaliussanut allannguutissatut siunnersuutaat

Oqaasertaliussanut allannguutissatut siunnersuutininik katillugit 18-nik Naalakkersuisut siunnersuuteqarput.

Oqaasertaliussanut allannguutissatut siunnersuutininut ilaatigut ilaapput oqaasertaliussat marluk, 2019-mi siusinaartumik utoqqalinermilu pensionisiat annertussusaasa akit qaffakkiartornerat najoqqutarinagu procentimik aaqqiissutaasumik nalimmassarneqarnerannik qulakkeerinnittut. Procenti aaqqiissutissaq aamma maannakkorpiaq aningaasarsiat pillugit Inatsisartut inatsisaat nr. 9, 1. juni 2017-imeersup akuersissutigineqarnerani, isumaginninnermi aningaasanik ikiorsiissutit tamarnik siunissami procenti aaqqiissutaasoq atorlugu assigiiaartumik nalimmassarneqartar-nissaat tamatumunnga patsisaavoq. 2018-mi qinersinerup suaarutigineqarnerata, tamatumalu upernaakkut ataatsimiinnerup ingerlanneqannginnerata malitsigisaanik, procentip aaqqiissutaasup atulersinneqarnerata nassatarisaanik ikiorsiissutit arlallit allanngortinneqarnissaat pillugu inatsisissatut siunnersuut maangaannarpoq. Procenti aaqqiissutaasoq atorlugu qaffariaat aamma akit qaffakkiartornerat aallaavigalugu aaqqiissutikkut, ukiuni naatsorsuiffiusuni kingullerni appararnermik takutitsisumit qaffasinnerupput. Oqaasertaliussatigut 2019-mi utoqqalinermi siusinaartumillu pensionisiatut tunniunneqartut annikitsumik qaffariarnissaat qulakkeerneqarpoq.

Tamatuma saniatigut konto pingaarneq 24.11.14-imut, naqissusiinermut akitsuummut tunngasumut, aamma konto pingaarneq 85.50.20-mut, takornariatitsinermi sanaartornermut tunngasumi, Royal Arctic Line A/S-p siusinnerusukkut qitiusumik allaffeqarfigisimasata suliffeqarfimmit Nunatta Karsianut akileraarusiinertaqanngitsumik akeqanngitsumik atugassanngortinneqarsinnaaneramik qulakkeerinnittumik oqaasertaliussassanut siunnersuusiortoqarpoq. Taamaalilluni illorsuup Nuummi talittarfitoqqami inissisimaffigissaartup Nuummi tikeraartarfiliormi qitiusoqarfinngornissaa atugassanngortitsinikkut ikorfartorneqarpoq. Massakkut pinngortitaq ujarassiornerlu tunngavigalugit qulequtassarsiorluni sulisoqarpoq.

Ineqarnermut angallannernullu immikkoortumi maanna angallannermi sullissisooreersunut, soorlu Air Greenlandimik Arctic Umiaq Linemillu isumaqatigiissuteqarnermi piginnaatitsissutit arlallit erseqqissarneqarnissaat siunnersuutigineqarpoq. Tamatumani suliariumannittussarsius-

sisarnej pillugu inatsisinningsinnaasumi aalajangersagassanngorumaartut apeqquaatinnagit ataavartumik isumaqatigiissuteqarnissat pisariaqartut toqqammavissinnissaasa qulakkeernissaat taamatut erseqqissaateqarnermi siunertarineqarpoq.

Naggataagullu konto pingaarnej 10.13.11-mut, aktiaateqarluni ingerlatseqatigiiffinnut toqqaan-nartumik aningaasartuutitut tunngasumi, oqaasertaliussat Kalaallit Airports A/S-p ataani mittar-filiortiternernut tunngasunut nutaanik taarserneqarnissaat siunnersuutigineqarpoq, taakkulu anin-gaasanut inatsisissatut siunnersuummi ilanngunneqareersunut assingussapput. Oqaasertaliussanut allannguutissatut siunnersuutini taakkunani maannamut kalaallisut oqaasertaliussani oqaatsitigut amigaatit annikitsut aqqinnissaat kisimi siunertaavoq. Taamaalilluni suliniutip imarisaanik, aningaasalersorneranik allanilluunniit allannguutissatut siunnersuutini taakkunani siunnerfeqar-toqangilaq. Erseqqissuliornissaq siunertaralugu 2018-mi Aningaasaqarnermut Akileraartarner-mullu Ataatsimiititaliamut ilassutitut aningaasaliissuteqarnissamik qinnuteqaammik nassiussiso-qassaaq, taamaalilluni aqqiissutit taakku aamma ukioq maannamut ilanngunneqarsinnaaq-qullugit.

Allannguutissatut siunnersuutitut ataasiakkaanut Aningaasaqarnermut Ataatsimiititaliaq ilassu-titut oqaaseqaatissaqangilaq.

Oqaasertaliussanut allannguutissatut siunnersuutit nr. 67-imit 84-imit **akuerineqassasut** Aningaasaqarnermut Akileraartarnermullu Ataatsimiititaliamit **inassutigineqarpoq**.

6. Aningaasaqarnermut Ataatsimiititaliap inassuteqaatai

Taama oqaaseqarluni Aningaasaqarnermut Ataatsimiititaliap aningaasanut inatsisissatut siunnersuut Inatsisartunit aappasaaniigassanngortippaa.

Sammissaq 1-ip ataani allannguutissatut siunnersuutit nr. 1-imit 18-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 2-p ataani allannguutissatut siunnersuutit nr. 19-mit 33-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 3-p ataani allannguutissatut siunnersuutit nr. 34-mit 36-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 4-p ataani allannguutissatut siunnersuutit nr. 37-mit 38-mut **akuerineqassasut** Aningaasaqarnermut Ataatsimiititaliamit **inassutigineqarpoq**.

Sammissaq 5-ip ataani allannguutissatut siunnersuutit nr. 39-mit 66-imut **akuerineqassasut** Aningaasaqarnermut Ataatsimiititaliamit **inassutigineqarpoq**.

Oqaasertaliussanut allannguutissatut siunnersuutit nr. 67-84 **akuerineqassasut** Aningaasaqarnermut Ataatsimiititaliamit **inassutigineqarpoq**.

Inatsisartut suliarinninnerat tunngavigalugu Inatsisartut inaarutaasumik pingajussaaneerinnillutik suliarinninnissaat sioqqullugu Aningaasaqarnermut Akileraartarnermullu Ataatsimiititaliamut suliarineqaqqittussanngorlugu inatsisissatut siunnersuut ingerlateqqinneqassasoq ataatsimiititaliamit **inassutigineqarpoq**.

Karl Kristian Kruse

Aqqaluaq B. Egede

Niels Thomsen

Jess Svane

Múte Bourup Egede

Mala Høy Kúko

Jens Napaattoq